

駱

臨

海

集

駱臨海集卷第九

唐駱賓王著

同里後學陳熙晉箋註

松林後裔祖攀校訂

自敘狀

新書本傳駱賓王初爲道王府屬嘗使自言所能賓王不答舊書高祖二十二子傳道王

元慶高祖第十六子也武德六年封漢王八年改封

陳王貞觀九年拜趙州刺史十年改封道王授豫州

刺史永徽四年歷滑州刺史以政績聞賜物二百段

後歷徐沁衛三州刺史麟德元年薨諡曰孝新書百

官志王府官掾一人屬一人皆正六品下又高宗中

宗時徐韓二王爲刺史府官同外官資望愈下按道

王於永徽後歷滑徐沁衛諸州臨海爲道王府屬係

刺史所屬參軍錄事之類故曰易彼上農叨茲下秩

非如王府掾屬之品秩也王子安有秋晚入洛於畢

公宅別道王宴序曰英王入座牢醴還陳高士臨筵

樵蘇不爨是道王愛才禮士子安諸人皆嘗從遊臨  
海則招致幕下者也

某官某謹再拜言伏奉恩旨令通狀自敘所能某本江東

布衣也幸屬大鑑貞觀合璧光輝易彼上農叨茲下秩於

今年矣

漢書地理志吳東有海鹽章山之銅三江五湖之利亦江東之一都會也史記田單列傳王蠋

布衣也諸葛亮出師表臣本布衣躬耕南陽莊子內篇大宗師今一以天地為大鑑以造化為大治惡乎往而不可哉易繫辭下天地之道貞觀者也孔穎達疏謂天覆地載之道以正貞得一故其功可為物之所觀也陸德明釋文觀官與反不音官宋書符瑞志帝堯在位日月如合璧五星如連珠舊書太宗紀貞觀元年春正月乙酉改元高宗紀顯慶五年夏四月戊寅造北關宮於東都苑內五月壬戌幸八關宮改為合璧宮一用太宗年號一用高宗宮名使事特切如此禮王制諸侯之下士視上農夫管子揆度第七十八上農挾五中農挾四下農挾三顏延之陶徵士誄爵同下士祿等上農後漢書桓譚馮衍傳贊禮謙上才榮徵下秩漢書東方朔傳贊戒其子以上容首陽為拙柳

下爲工飽食安步以仕易農然而進不能談社稷之務立事寰中退不

能掃丞相之門買名天下徒以黃離元吉白賁幽貞沐少

海之波瀾照重光之麗景雖任能尙齒載宏進善之規而

觀過知人異降自媒之旨是用披誠慝懇以抒愚衷

劉琨勸進

表以社稷爲務不以小行爲先掃門見帝京篇淮南子儗

眞訓弦歌鼓舞綠飾詩書以買名譽於天下易離六二黃

離元吉鄭康成注離爲火土託位焉土色黃火之子喻子

有明德能附麗於其父之道文王之子發旦是也慎成其

業則吉矣賁上九白賁无咎李鼎祚集解干寶曰白素也

延山林之人采素主言以飾其政故上得志也淮南子墜形

訓東方曰大渚曰少海高誘注少海亦澤名唐太宗帝範

序擢白維城之居屬以少海之任重光見遊陔山寺重輪

注梁簡文帝九日侍宴樂遊應詔詩離光麗景神英春裕

王勃乾元殿頌序黃離踵曜太陽分鏡樹之輝蒼震薦音

少海控銀河之色大戴禮保傳篇學禮曰帝入東學上親

而貴仁帝入南學上齒而貴信帝入西學上賢而貴德帝

入北學上貴而尊爵帝入太學承師問道及太子旣冠成人於是有進善之旂有誹謗之木有敢諫之鼓後漢書吳祐傳當夫私性私賦民錢市衣呂進其父得而怒曰有君如是何忍欺之促歸伏罪性慙懼詣閤持衣自首祐屏左右問其故性具談父言祐曰掾以親故受污穢之名所謂觀過斯知人矣使歸謝其父還曰衣遺之案范書本或作知仁也唐高宗令京司長官上都督府諸州舉人詔曰州郡之長能修厥職禮義興行姦回自屏刑憲不苛孤惲是賴有司詢訪宜以名聞有一於此當起不次其有經明行修談講精熟具此嚴才堪膺教胄者志節高妙識用清通博聞彊正終堪卿輔者遊情文藻下筆成章援心處事端平可紀者疾惡揚善依忠履義執持典憲終然不移者京司長官上都督府及上州各舉二人中下州刺史各舉一人前代忠鯁身死王門子孫才堪任官而畱滯停移者旣想遺風尤宜旌舉案舊書高宗紀龍朔三年令內若乃忘大外官五品已上各舉所知此啓當上於此時也

易之謙光矜小人之醜行彈冠入仕解褐登朝飾懷祿之心效當年之用莫不徇名養利勵朽磨鉛自謂身負管樂

之資志懷周召之業若斯人者可勝道哉而循譽察能聽  
言觀行舍真筌而擇士沿虛談以取材將恐有其語而無  
其人得其賓而喪其實故曰知人不易人不易知利一作素循一

作脩○易謙卦謙尊而光董仲舒士不遇賦昭同人而大  
有兮明謙光而務展魏書高閣傳閣上表曰君人之量逾  
高謙光之旨彌篤曹植求自試表夫自銜自媒者士女之  
醜行也彈冠見秋日出行詩揚雄解嘲夫上世之士或解  
縛而相或釋褐而傳懷祿見遠使海曲詩潘岳閒居賦序  
顧常以爲士之生也非至聖無軌微妙乎通者則必立功  
立事効當年之用莊子外篇駢拇小人則以身徇利士則  
以身徇名鮑照詠史詩擗朽摩鈍鈴刀皆能一斷管樂見  
與程將軍書史記孔子世家述三王之法明周召之業又  
樂毅列傳樂毅報遺燕惠王書曰臣聞賢聖之君不以祿  
私親其功多者賞之其能當者處之故察能而授官者成  
功之君也論行而結交者立名之士也筌以喻言見高四  
篇吳質在元城與魏太子牋彼豈虛談夸論誑曜世俗哉  
賓實見靈泉頌史記范睢傳魏齊夜亡出見趙相虞卿虞

卿乃解其相印與魏齊亡間行念諸侯莫可以急抵者乃復走大梁欲因信陵君以走楚信陵君聞之畏秦猶豫未肯見曰虞卿何如人也時侯嬴在旁曰人固未易知知人亦未易也夫魏齊窮困過虞卿虞卿不敢重爵祿之尊解相印捐萬戶侯而間行急士之窮而歸公子公子曰何如人人固不易知知人亦未易也信陵君大慙潘岳馬汧督諫知人未易人未易知列子楊朱篇鬻子曰去名者無憂老子曰名者實之賓而悠悠者趨名不已名固不可去名固不可抑又聞之知臣莫若君知子莫若父誠能簡材試賓耶

劇考績求功觀其所繇察其所以臨大節而不可奪處至

公而不可干冀斯言之無虧於從政乎何有管子大匡第十八鮑叔曰

先人有言曰知子莫若父知臣莫若君齊僖公生公子諸兒公子糾公子小白使鮑叔傳小白鮑叔辭稱疾不出管仲與召忽見之曰何故不出今君知臣不肖也是以使賤臣傳小白賤臣知棄矣周書藝術傳黎景熙上書曰簡材以授其官量能以任其用藝文類聚職官部漢舊儀曰古法聖猶試今丞相設四科之辭以博異德第一科曰德行

高妙志節清白二科曰學道修行經中博士三科曰明曉  
法令足以決疑能案章覆問文中御史四科曰剛毅多畧  
遭事不惑明足以照姦勇足以決斷才任三輔劇令皆試  
以其能然後官之繇古由字淮南子人間訓聖人之舉事  
不加憂焉察其所以而已矣漢書循吏傳及至孝宣自丞  
相以下各奉職而進及拜刺史守相輒親見問觀其所繇  
退而考察所行以質其言有名實不相應必知其所以然  
漢書霍光傳贊曰霍光處廢置之際臨大節而不可奪傳  
子通志篇夫能通天下之志者莫大乎至公能行至公者  
莫要乎無忌心惟至公故近者安焉遠者歸焉枉直取正  
而天下信之惟無忌心故進者自盡而退不懷疑其道泰  
然後浸潤之譖不敢干也餘習見按高宗永徽初政有貞  
觀之風無何廢王皇后立武昭儀褚遂良以死爭長孫無  
忌韓瑗來濟皆以救遂良得罪李勣有託孤之責而助立  
華后大節如此顯慶以後政出閹闥許敬宗李義府等姦  
佞得志公道之廢久矣大節二語當時之不虧其言者有  
幾人哉臨海獨張目言  
之宜其所如不合也 若乃脂韋其迹乾沒其心說已之  
長言身之善覲容冒進貪祿要君上以紊國家之大猷下



以瀆狷介之高節此凶人以為恥況吉士之為榮乎所以

令衒其能斯不奉令謹狀

乾沒見上齊州張司馬啓詩小雅有覲面目孝經要君者無上

晉語小心狷介不敢行也班固答賓戲凶人且以自悔況吉士而是賴乎吳兢貞觀政要擇官第七貞觀十三年太宗謂侍臣曰能安天下者惟在用得賢才公等既不知賢朕又不可徧識今欲令人自舉於事何如魏徵對曰知人者智自知者明知人既以為難自知誠亦不易且愚暗之人皆矜能伐善恐長澆競之風不可令其自舉按太宗欲令人自舉道王使自言所能初唐風氣如此臨海在麟德以前麟年綺譽宜其急於自見而乃寶此幽貞斥彼醜行之古狷者之列又何而焉裴守約以露才抑之過矣

對策文三道

新書文藝傳王勃字子安絳州龍門人麟德初劉祥道巡行關內勃上書自陳

祥道表於朝對策高第年未及冠授朝散郎數獻頌闕下沛王召署府修撰按臨海有上司列太常伯啓

卽祥道也對策當在其時

問岱岳遊魂入佳城而恒化瀛洲羽客竦鶴轡而輕舉岱

遊魂見表佳城見挽歌莊子內篇大宗師子來有病喘喘

然將死其妻子環而泣之子犁往問之曰叱避無恒化郭

象注夫死生猶寤寐耳於理當寐不願人驚之將化而叱

無為恒之也陸德明釋文恒才達反驚也瀛洲見王靈妃

詩三山注楚辭遠遊聞至貴而遂徂兮忽乎吾將行仍羽

人於丹邱兮畱不死之舊鄉楊素山齋獨坐贈薛內史詩

日落山之幽臨風望羽客鶴轡用王子喬事並見王靈

妃詩淮南子泰族訓王喬赤松蹠虛輕舉乘雲游霧雖

則備於縑素昭晰可觀求諸耳目虛無罕驗北齊書李稚

被雌黃歿存縑素說文七篇上昭晰棄杖成龍有異虞翻

明也淮南子倣真訓寂漠以虛無棄杖成龍有異虞翻

之旨銜恩結草甯符宗岱之言棄杖見王靈妃詩吳志虞

權與張昭論及神仙翻指昭曰彼皆死人而語神仙世豈

有仙人也權積怒非一遂徙翻交州春秋宣公十五年左

傳魏武子有嬖妾無子命顓曰必嫁是疾病則曰必以為

殉及卒顓嫁之曰病則亂吾從其治也及輔氏之役顓見

老人結草以亢杜回杜回躡而顛故獲之夜夢之曰余而  
所嫁婦人之父也爾用先人之治命余是以報太平廣記  
鬼二宗岱為青州刺史禁淫祀著無鬼論甚精無能屈者  
鄆州咸化之後有一書生葛巾修刺詣岱與之談甚久岱  
理未屈辭或未暢書生輒為申之次及無鬼論便苦難岱  
岱理欲屈書生乃振衣而起曰君絕我輩血食二十餘年  
君有青牛髯奴未得相困耳今奴已叛牛已死今日  
得相制矣言絕遂失書生明日而岱亡原注出雜語二者  
何從爾其揚摧韓非子有揚摧篇淮南子倣真訓物豈可  
也擢音鎬漢書敘傳揚摧乎高誘注揚擢無慮大數名  
也揚摧者舉而引之陳其趣也張揖廣雅釋詁揚摧都凡  
也左思蜀都賦請為左右揚摧而陳之摧古學切

對遐觀素論眇觀乎風惟鬼惟仙難究難測

任昉百辟勸進今上機道

風素論坐鎮雅俗李善注王隱晉書劉琨表曰李術以素  
論門望不可與樵采同日也梁昭明太子文選序式觀元  
始眇觀乎風說文九篇人所歸為鬼段玉裁曰郊特牲曰  
魂氣歸於天形魄歸於地祭義曰死必歸土此之謂鬼其

氣發揚於上神之著也按魂魄皆生而有之而字皆从鬼者魂魄不離形質而非形質也形質亡而魂魄存是人所歸也又入篇僊長生僊去段玉裁曰釋名曰老而不死曰仙仙遷也遷入山也故其制字人旁作山也漢碑或从遷或从山漢郊祀志僊人羨門師古曰古以僊爲仙聲類曰仙今僊字蓋仙行而僊廢矣列子天瑞篇難測難悉此固然至夫滕公長往佳城開白日之微洪崖不歸曾邱控紫

雲之蓋崇成蒼狗自是趙王之神道叶赤龍爰通陸安之

治玉壘變萑宏之血金闕化浮邱之靈固能目覩桑田來

作西王之使魂遊蒿里還爲北帝之臣

滕公見挽歌葛洪神仙傳衛叔卿者

中山人也服雲母得仙漢元封二年乘雲車駕白鹿來集殿前忽焉不知所在帝卽遣使者梁伯至中山推求叔卿不得見但見其子名度世帝卽遣使者與度世共之華山求尋其父積數十日度世乃齋戒獨上於絕巖之下望見其父與數人博戲於石上紫雲鬱鬱於其上白玉爲牀又有數仙童執幢節立其後度世曰不審向與父並坐是誰

也叔卿曰洪崖先生許由巢父火低公飛黃子王子晉薛容耳曾與層古通用太平廣記神仙一木公亦云東王父居於雲房之間以紫雲爲蓋青雲爲城原注出仙傳拾遺漢書五行志高后八年三月祓霸上還過軹道見物如蒼狗撒高后掖忽而不見卜之趙王如意爲祟遂病掖傷而崩先是高后鴆殺如意支斷其母戚夫人手足推其眼以爲人姦劉向列仙傳陶安公六安鑄冶師也數行火火一旦散上行紫色衝天安公伏治下求哀須臾朱雀止治上曰安公安公治與天還七月七日迎汝以赤龍至期赤龍到大雨而安公騎之東南上一城邑數萬人衆共往視之皆與辭決去玉壘見疇昔篇萑宏血見螢火賦古詞董逃行吾欲上謁從高山山頭危峻大難遙望五岳端黃金爲闕斑璘但見紫芝葉落紛紛華陽國志序志荆人鼂靈死屍化西上後爲蜀帝周蓂宏之血變成碧珠杜宇之魄化爲子鵲自古以來未聞死者更生或遇有之則爲怪異子所不言況能爲帝王乎碧珠出不了一處地之相距動數千里一人之血豈能致此子鵲鳥今云是鴛或曰鴛周四海有之何必在蜀黃氏宗義曰明州香山東臨滄海多海市秦始皇嘗駐蹕於此以其可達蓬萊故謂之達蓬山封禪書言三神山去人不遠諸僊人及不死之藥皆在焉而黃

金銀爲宮闕未至望之如雲及至三神山反居水下臨之  
風輒引去終莫能至云頗怪此等妄談不可以欺愚者以  
始皇之明察方士焉能以鑿空烏有之事令其聽信吾至  
此山而所謂黃金銀之宮闕居人無不見之然後知方士  
之言未嘗無所據也始皇卽欲不信得乎蓋登州海市掩  
映遠山望之如雲而此山臨視咫尺闌楯之底其謂反居  
水下是也浮邱見後周嗣注桑田見王靈妃詩史記淮南  
王安列傳昔秦又使徐福入海求神異物還爲僞辭曰臣  
見海中大神言曰汝西皇之使邪臣答曰然汝何求曰願  
請延年益壽藥卽從臣東南至蓬萊山見芝成宮闕有使  
者銅色而龍形光照上天又山海經大荒西經西有王母  
之山有三青鳥郭璞注皆西王母所使也梁簡文帝大法  
頌觀玉伯友訪道西王蒿里見挽歌葛洪枕中書張衡楊  
雲爲北方鬼帝治羅酆山太平御覽道部三皇內音曰酆  
都六宮下制北帝文曰人之死生玉帝刻石隱銘以書六  
宮北壁制檢羣凶又北帝經曰酆都祕印用救世間攝制  
鬼神然而將聖生鄒本忘情於語怪多材封魯亦默論於通  
仙泊乎大義已乖斯文將墜於是八儒三墨之道異軫分

馳九流百家之文殊途競爽語仙則有無交戰語鬼則虛  
實相紛遂使結草亢軍爰乖宗岱之論化竹浮水有異虞  
翻之言何晏論語集解孔曰言天固縱大聖之德又使多  
能也邢昺疏將大也案晉書儒林傳序夫子將聖  
多能固天攸縱庾肩吾侍宴詩沐道逢將聖飛觴屬上賢  
楊炯遂川長江縣先聖孔子廟堂碑下學而上達將聖而  
多能是唐以前均訓將爲大矣史記孔子世家孔子生魯  
昌平鄉陬邑裴駢集解陬音騶孔安國曰陬孔子父叔梁  
紇所治邑張守節正義括地志云故鄒城在兗州泗水縣  
東南六十里與地志云鄒城西界闕里有尼邱山按夫子  
生在鄒長徙曲阜仍號闕里書金縢予仁若考能多材多  
藝傳我周公仁能順父又多能多藝孫綽天台山賦肆觀  
天宗爰集通仙李善注通仙謂衆仙也其通猶通侯也抱  
朴內篇釋滯或曰果其仙道可求得者五經何以不  
載周孔何以不言聖人何以不度世上智何以不長存則  
是無仙道也韓非子顯學篇世之顯學儒墨也自孔子之  
死也有子張之儒有子思之儒有顏氏之儒有孟氏之儒  
有漆雕氏之儒有仲良氏之儒有孫氏之儒有樂正氏之

儒自墨氏之死也有相里氏之墨有相夫氏之墨有鄧陵氏之墨故孔墨之後儒分爲八墨離爲三取舍相反不同而皆謂真孔墨孔墨不可復生將誰使定世之學乎孔子墨子俱道堯舜而取舍不同皆自謂真堯舜堯舜不復生將誰使定儒墨之誠乎陶潛羣輔錄夫子沒後散於天下設於中國成百氏之源爲綱紀之儒居環堵之室華門圭竇黼黻繩樞併日而食以道自居者有道之儒子思氏之所行也衣冠中動作順大謨如慢小讓如僞者子張氏之所行也顏氏傳詩爲道爲諷諫之儒孟氏傳書爲道爲疏通致遠之儒漆雕氏傳禮爲道爲恭儉莊敬之儒仲梁氏傳樂爲道以和陰陽爲移風易俗之儒樂正氏傳春秋爲道爲屬辭比事之儒公孫氏傳易爲道爲潔淨精微之儒不累於俗不飾於物不尊於名不忮於衆此宋鉤尹文之墨裘葛爲衣跛躄爲服日夜不休以自苦爲極者相里勤五侯子之墨俱稱經而背謫不同相謂別墨以堅白此獲已齒鄧陵子之墨案此所紀八儒三墨與韓非差異沈約王儉碑殊文共會異軫同歸九流見贈高四詩任昉天監三年策秀才文九流七畧頗嘗觀覽六藝百家庶非牆面李善注淮南子曰百家異說各有所出按百家謂諸子凡有一百八十九家言百舉其大數易繫辭下殊途而同歸



左傳昭公三年二惠競爽杜預注競彊也爽明也周書武帝紀建德三年詔曰至道宏深混成無際體包空有理極幽乎但歧路既分派源逾遠淳離朴散形氣斯乖遂使三墨八儒朱紫交競九流七畧異說相騰不有會歸爭驅靡息今可立通道觀聖哲微言先賢典訓金科玉篆祕蹟乎文並宜宏闡一以貫之化竹浮水用竹杖化龍事然而博訪古書緬尋曩冊徇其浮說徒有奔競之談求諸至

言抑匪通經之旨

謝靈運撰征賦對曩籍而興歎蘇彥語箴逮於三季奔競滋彰漢書賈山傳孝

文時言治亂之道借素爲論名曰至言

何則高明瞰室已著六爻之文太虛

游形式編三洞之籙故齊公出獵遇豕啼於貝邱周嗣登

仙浮鶴軒於洛浦沉乎干寶碩德已緝搜神之書劉向通儒

非無列仙之傳斯皆實錄諒非虛談謹對

揚雄解嘲高明之家鬼瞰其室

注李奇曰鬼神害盈而福謙李鼎祚作周易集解謙鬼神害盈而福謙崔憬曰朱門之家鬼瞰其室黍稷非馨明德

惟馨是其義矣莊子外篇知北遊是以不過乎崑崙不遊  
乎太虛隋書經籍志道經者推其大旨蓋亦歸於仁愛清  
靜積而修習漸致長生自然神化或白日登仙與道合體  
其受道之法初受五千文錄次受三洞錄次受洞字錄次  
受上清錄錄皆素書紀天曹官屬佐吏之名有多少又有  
諸符錯在其間文章詭怪世多不識春秋桓公十八年左  
傳春公會齊侯于樂遂及文姜如齊齊侯通焉公謫之以  
告夏四月丙子享公使公子彭生乘公公薨於車齊人殺  
彭生莊公八年冬十二月齊侯遊于姑勞遂田于貝邱見  
大豕從者曰公子彭生也公怒曰彭生敢見射之豕人立  
而啼公懼隊于車傷足喪屨反遂弑之杜預注姑勞貝邱  
皆齊地樂安博昌縣南有地名貝邱公見大豕而從者見  
彭生皆妖鬼案公襄公閔公十一年衛懿公好鶴有乘  
軒者水經注洛水篇昔王子晉好吹鳳笙招延道士與浮  
邱同遊伊洛之浦浴水又東屈零星塢水流潛通重源又  
發側緱氏原開山圖謂之緱氏山焉亦云仙者升焉言王  
子晉控鶴斯阜靈王望而不得近舉手謝而去其家得遺  
屣俗亦謂之撫父堆堆上有子晉祠劉向列仙傳云世有  
簫管之聲焉按汲冢周書太子晉解晉平公使叔譽于周  
見太子晉五稱而五窮歸告公曰太子晉行年十五而臣

弗能與言師曠見太子王子賜之乘車四馬王子曰且吾  
問汝之人年長短告吾師曠對曰汝聲清汗汝色赤白火  
色不壽王子曰吾後三年上賓於帝所汝慎無言師曠歸  
未及三年告死者至孔晁注未及三年并歸之年爲三年  
則王子年十七而卒也風俗通曰後世以其自豫知其死  
傳稱其仙晉書干寶傳干寶字令升新蔡人也寶父先有  
所寵侍婢母甚妬忌及父亡母乃生推婢於墓中寶兄弟  
年小不之審也後十餘年母喪開墓而婢伏棺如生載還  
經日乃蘇言其父常取飲食與之恩情如生在家中吉凶  
輒諱之考校悉驗地中亦不覺爲惡旣而嫁之生子又寶  
兄嘗病氣絕積日不冷後遂寤云見天地間鬼神事如夢  
覺不自知死寶以此遂撰集古今神祇靈異人物變化名  
爲搜神記凡二十卷以示劉惔惔曰卿可謂鬼之董狐太  
平御覽道部列仙傳敘曰列仙傳漢光祿大夫劉向所撰  
也初武帝好方士淮南王安亦招賓客有枕中鴻寶之書  
向父德爲武帝治淮南獄得其書向幼而讀之以爲奇及  
宣帝卽位修武帝故事向與王褒等以通博有俊才進侍  
左右向又見淮南鑄金之術上言黃金可成上使與典尚  
方鑄金多不驗下吏當死兄陽成侯安民乞入國戶半贖  
向罪得減死論詔爲黃門侍郎至成帝時向旣司典籍見

上頗修神仙事遂修上古以來及三代秦漢博採諸家言  
神仙事按劉向列仙傳漢藝文志不載隋經籍志有之揚  
子法言重黎篇或問周官曰立事左氏曰品藻太史遷曰  
實錄漢書司馬遷傳贊不虛美不隱惡故謂之實錄虛談  
狀見

問士農工商四坻各業廢一不可取譬五材而闕里致言

鄙於學稼漆園起論爰稱絕機

起一作著機一作巧。管子

四民者國之石民也不可子小匡第二使襍處襍處則其言管子是故聖王之處士必於閒燕處農必就田墾處工必就官  
府處商必就市井房喬注四者國之本猶柱之石也故曰  
石漢書食貨志士農工商四民有業聖王量能授事四民  
陳力受職避太宗諱改民為坻春秋襄公二十七年左傳  
宋向戌欲弭兵之兵以為民子罕曰天生五材民並用之  
廢一不可誰能去兵杜預注金木水火土也漢書梅福傳  
今仲尼之廟不出闕里注師古曰闕里孔子舊里也顧炎  
武日知錄水經注孔廟東南五百步有雙石闕故名闕里  
史記魯世家煬公築茅闕門蓋闕門之下其里即名闕里

而夫子之宅在焉亦謂之闕黨間若璩四書釋地孔子時  
無闕里之名闕里首僅見漢書梅福傳東漢後方盛稱之  
蓋緣魯恭王徙魯於孔子所居之里造宮室有雙闕焉人  
因名孔子居曰闕里朱彝尊曰煬公恭王先後並有闕門  
名里之始則不能臆定也學稼見論語史記老莊申韓列  
傳莊子者蒙人也名周周嘗為蒙漆園吏張守節正義括  
地志漆園故城在曹州冤句縣北十七里絕機用漢陰丈人事見贈高四詩  
豈先聖垂文義有

優劣將隨方設教理或變通者哉爾其矢陳用啓前惑一矢

作數。王融永明九年策秀才文與廢之術矢陳厥謀

對出震登皇垂衣裳而馭錄乘乾踐帝順舒慘而字氓莫

不列九土以開疆因四人而安業易說卦帝出乎震孔穎達正義帝若出萬物則

在乎震南史齊武帝諸子傳文惠皇太子問王儉周易乾卦本施天位而說卦云帝出乎震震本非天義豈當相左儉曰乾健震動天以運為德故言帝出乎震易繫辭下黃帝堯舜垂衣裳而天下治蓋取諸乾坤張衡東京賦高祖

應籙受圖李善注春秋命歷序曰五德之運徵符合應籙  
次相代乘乾見表張衡西京賦夫人在陽時則舒在陰時  
則慘此牽乎天者也薛綜注陽爲春夏陰爲秋冬左思魏  
都賦長世字毗者以道德爲藩不以襲險爲屏也梁書武  
帝紀長祚字毗罔不由此方言氓民也亦作毗魯語展禽  
曰共工之伯九有也其子曰后土能平九土故祀以爲社  
韋昭注九土九州之土宋玉登徒子好色賦周覽九土足  
歷五都潘岳籍田賦夫九土之宜弗任四人之務不壹野  
有菜蔬之色朝靡代耕之秩李善注管子曰士農工商  
四民者國之正民也案本四民避太宗諱追改人故

農爲政本兩漢舉力田之勤財曰聚人九市列惟金之利

陟龍門而就日入仕彈冠斲蟬翼以成風追工運斧咸用

因人成事隨利濟時蓋五帝通規三王茂範書洪範農用

八政孔穎達疏張晏王肅皆言農食之本也食爲八政之

首故以農言之王融永明九年策秀才文昔周宣情千畝

之禮號公納諫漢武缺三推之義賈山至言良以食惟民

天農爲政本李善注尙書曰八政一曰食孔安國曰勤農

業也漢書文帝詔曰農天下大本也民所恃以生也漢書  
惠帝紀四年春正月舉民孝弟力田者復其身高后紀元  
年二月初置孝弟力田二千石者一人注師古曰特置孝  
弟力田官而尊其秩欲以勸厲天下令各敦行務本文帝  
紀十二年詔曰孝弟天下之大順也力田爲生之本也三  
老衆民之師也廉吏民之表也其遺謁者勞賜三老孝者  
帛人五匹弟者力田二匹廉吏二百石以上率百石者三  
匹及問民所不安而以戶口率置三老孝弟力田常員  
令各率其意以道民焉後漢書成帝紀陽朔三年詔曰先  
帝邵農薄其租賦寵其強力令與孝弟同科注師古曰謂  
每同薦舉及加賜也明帝紀元年詔曰朕承大運繼體守  
文其賜天下男子爵人二級三老孝弟力田人三級章懷  
太子注三者皆鄉官之名易繫辭下何以守位曰人何以  
聚人曰財韓康伯注財所以資物生也班固西都賦九市  
開場貨列隊分李善注漢宮闕疏曰長安列九市其六市  
在道西三市在道東書禹貢惟金三品孔安國傳金銀銅  
也龍門見王司馬樓宴詩彈冠見秋日山行詩就日及蟬  
翼成風並見贈高四詩注因人成事見螢火賦後漢書崔  
實傳且濟時拯世之術豈必體堯蹈舜然後乃理哉陸德  
明尙書序釋文少昊金天氏已姓以金德王五帝之最先

顓頊高陽氏姬姓以水德王五帝之二也高辛帝嚳也姬姓以水德王五帝之三也唐帝堯也姓伊耆氏以火德王五帝之四也虞帝舜也姓姚氏以土德王五帝之五也夏禹以金德王三王之最先商湯以水德王三王之二也周文王武王以木德王三王之三也史記五帝本紀張守節正義按太史公依世本太戴記以黃帝顓頊帝嚳唐堯虞舜為五帝譙周應邵宋均皆同而孔安國尚書序皇甫謐帝王世紀孫氏注世本並以伏羲神農黃帝為三皇少昊顓頊高辛唐虞為五帝隋書誠節傳褒顯名節有國通規王融永明九年策秀才文議獄緩死大易深規敬典恤刑虞書然則泣麟上聖訓三千以領徒夢蝶幽人搏九萬以茂典

齊物欲使邱門志學折以問農之言漢渚絕機抒以灌園

之巧斯乃變通權數趨捨適宜

數一作教。孔叢子記問第五叔孫氏之車子曰鉏

商樵於野而獲獸焉衆莫之識以為不祥棄之五父之衢冉有告夫子曰腐身而肉角豈天之妖乎夫子曰吾將觀焉遂往謂其御高柴曰若求之言其必麟乎到視之果信遂泣曰予之於人猶麟之於獸也麟出而死吾道窮矣乃



歌曰唐虞世兮麟鳳遊今非其時吾何求麟兮麟兮我心  
憂司馬相如難蜀父老況乎上聖又焉能已史記孔子世  
家孔子以詩書禮樂教弟子蓋三千焉夢蝶見莊子內篇  
齊物論詳思乎上人林泉詩文選幽通賦注張晏曰幽人  
神人也搏九萬見螢火賦注魏志武當今海內又安天下  
帝紀少機警有權數趨捨見螢火賦

樂業士食舊德農服先疇自可孫宏獻書以待公車之制

王丹載酒時慰田家之勞謹對當一作方又一作久食一作植○書堯典傳又治也

傳奕校定本老子至治之極民各甘其食美其服安其俗  
樂其業班固西都賦士食舊德之名氏農服先疇之畎畝  
李善注周易曰食舊德貞厲終吉漢書音義如淳曰今隴  
西俗麻田歲歲糞種為宿疇也文選任昉表李善注劉歆  
七畧曰孝武皇帝勅丞相公孫宏廣開獻書之路百年之  
閒書積如山漢書百官公卿表注師古曰漢官儀云公車  
司馬掌殿司馬門夜徼宮中天下上事及四方貢獻闕下  
凡所徵召皆總領之後漢書王丹傳王丹字仲回京兆下  
邳人也王莽時連徵不至家累千金隱居養志好施周急  
每歲農時輒載酒於田間候勤者而勞之其墮嬾者恥不

致丹皆兼功自厲邑聚相率以致殷富章懷太子注載酒  
肴便於田頭大樹下飲食勸勉之因畱其餘酒肴而去

問四十強仕七十懸車著在格言存諸甲令

禮曲禮上三十曰壯有室

四十曰強而仕五十曰艾服官政六十曰耆指使七十曰

老而傳又大夫七十而致事孔穎達正義曰三十九以前

通曰壯壯久則強故四十曰強強有二義一則四十不惑

是智慮強二則氣力強也七十曰老在家則傳家事於子

孫在官致所掌職事還君退還田里也白虎通云臣年七

十懸車致仕者臣以執事趨走為職七十耳目不聰明是

以退老去避賢也所以長廉遠恥懸車示不用也致事致

職於君君不使退而自去者尊賢者也魏志崔季珪傳蓋

聞盤于游田書之所戒魯隱觀魚春秋譏之此周孔之格言

二經之明義易蠱卦先甲三日後甲三日王弼注甲者創

制之令也孔穎達正義甲為十日之首創造之令為在後

諸令之首故以創造之令謂之為甲故漢時謂令之重者

謂之甲令然則顏駟韞價殆乎白首和尊播美始自齠年

則此義也顏駟見帝京篇郎署句注晉書卻詵阮种華譚袁甫傳論

史臣曰卻詵等並韞價州里哀然應召對揚天問高步雲

衡和尊人姓名未詳所出齟與髻通詳下文

欲使滋泉之彥必臻洛陽之才無

捨則隄防或爽襟帶徒施其道如何佇聞嘉答

呂氏春秋八覽謹聽

篇太公釣於滋泉遭紂之世也故文王得之而王又見觀世篇竝作滋水經注渭水篇引作茲洛陽才見帝京篇禮月令季春之月修利隄防杜篤論都賦關梁之險多所襟帶任昉天監三年策秀才文斯理何從佇聞良說

對竊聞大人有作義佇良材貞士狗名理資明主是知君必待士士必待君故使飛龍在天聖智有賢明之佐巨魚

縱壑元后得唐虞之臣

聖智句一作荀勗代良平之佐○易乾卦聖人作而萬物覩則見大人也良材

正義聖人作則飛龍在天也萬物覩作則見大人也良材見靈泉頌莊子外篇駢拇小人則以身殉利士則以身殉名王褒聖主得賢臣頌君人者勤於求賢而逸於得人臣亦然故世必有聖智之君而後有賢明之臣虎嘯而谷風冽龍興而致雲氣蟋蟀俟秋吟蜉蝣出以陰易曰飛龍在天利見大人詩曰思皇多士生此王國故世平主聖俊

又將自至若堯舜禹湯文武之君獲稷契皋陶伊尹呂望  
之臣明明在朝穆穆布列聚精會神相得益彰雖伯牙操  
遞鐘逢門子轡烏號猶未足以喻其意也故聖主必待賢  
臣而宏功業俊士亦俟明主以顯其德上下俱欲懽然交  
欣千載一會論說無疑翼乎如鴻毛遇順風沛然則否泰  
乎若巨魚縱大壑書大禹謨衆非元后何戴

或爽材運難并歲漸懸車尙牧淄源之豕年甫志學且珥漢

庭之貂是知因藉時來和君播乎齟之俊當其未遇顏生

致白首之勤語其古今稽之運會雖則人事抑亦天時

史記

平津侯主父列傳丞相公孫宏者齊菑川國薛縣人也字  
季少時爲薛獄吏有罪免家貧牧豕海上年四十餘乃學  
春秋雜說建元元年宏年六十徵以賢良爲博士使匈奴  
還報不合上意宏乃病免歸元光五年有詔文學宏至太  
常太常令所徵儒士各對策百餘人宏策居下策奏天子  
擢宏對爲第一拜爲博士卒以宏爲丞相封平津侯陳鵬  
年曰按宏以建元元年辛丑徵爲博士不合罷歸年六十  
至元光五年辛亥凡十一年年七十一矣是年卽以博士

為左內史元朔三年乙卯為御史大夫年七十五五年丁巳十一月為丞相年七十七元狩二年庚申三月薨在相位二年餘年八十劉峻辨命論主父偃公孫宏對策不升第歷說而不入牧豕淄原見棄州郡論語子曰吾十有五而志於學漢書外戚傳留侯子張辟疆為侍中年十五蔡邕獨斷侍中中常侍加黃金璫附蟬為文貂尾飾之太傅胡公說曰趙武靈王效胡服始施貂蟬之飾秦滅趙以其君冠賜侍中左思詠史詩金張藉舊業七葉珥漢貂李善注珥插也南齊書高帝紀建元四年詔曰吾本布衣素族念不到此因藉時來遂隆大業張協七命乎鄙巷歌黃髮擊壤李善注埤蒼曰髻髮也若與鄙古字通也左思詠史詩當其未遇時憂在填溝壑周書齊煬王憲傳齊任城王潛廣甯王考珩等據守信都憲乃與潛書曰我太祖撫運乘時大庇黔首皇上嗣膺下武式隆景業此豈惟人事抑亦天

當今乘六御天得一后帝翹車獵彥東帛旌賢故叢

桂幽人罷韜真於文舉青蓮江使自裂兆於非熊豈止洛

陽之才來儀漢國滋貞之壽降北周朝而已哉

叢桂各本作當柱今

從全唐文○易乾卦象曰時乘六龍以御天王弼注處則  
乘潛龍出則乘飛龍故曰時乘六龍也老子昔之得一者  
天得一以清地得一以甯神得一以靈谷得一以盈萬物  
得一以生侯王得一以爲天下正河上公注一無爲道之  
子也魏書出帝紀永熙三年詔曰得一居震乘六馭字春  
秋莊公二十二年左傳詩云翹翹車乘招我以弓杜預注  
逸詩也易賁六五賁于丘園束帛莛莛周書沈重傳爰致  
束帛之聘命翹車之招所望鳳舉鴻馭俄而萃止上官儀  
對求賢策莛莛束帛指邱園而畢陳翹翹車乘望林泉而  
載轄楚辭招隱士桂樹叢生兮山之幽連蜷偃蹇兮枝相  
樛易履九二履道坦坦幽人貞吉文豹見贈高四詩江使  
見上廉察使啓史記齊世家太公望呂尙者東海上人西  
伯將出獵卜之曰所獲非龍非虎非羆與俱歸立爲師  
輔於是周西伯獵果遇太公於渭之陽載與俱歸立爲師  
葉大慶考古質疑按六韜史記非龍非羆非虎非羆無熊  
字白氏六帖于熊部獵部卜部皆作非熊非羆蓋虎字乃  
唐高祖諱所以章懷注東漢書雖引史記之文特改非熊  
之字或謂漢桓寬鹽鐵論云起礪溪熊羆之土則漢人固  
嘗以熊羆爲言豈必因國諱而改蓋熊羆乃世之常言至  
於特改非虎爲非熊實起於唐也若夫李善注文選其於

賓戲則引史記曰所獲非龍非虎非熊非羆非羆於非有先生  
論則引六韜曰非熊非羆非虎非狼其實非史記六韜之  
文特彷彿記憶而為某談謝二龍識迷三豕徒以鑽木輕  
之注爾不足為據也  
燄仰昇扶而曜暉化草餘光對含桂而炫彩迴遑如失俯  
仰多慙謹對二龍見傷祝阿王明府詩呂氏春秋六論察  
傳篇子夏之晉過衛有讀史記者曰晉師三  
豕涉河子夏曰非也是己亥也夫己與三相近豕與亥相  
似至於晉而問之則曰晉師己亥涉河也鑽木見螢火賦  
攻燧句注陸機日出東南隅行扶桑升朝暉照此高臺端  
李善注山海經曰湯谷上有扶木扶木者扶桑也十日所  
浴逸周書時訓解大暑之日腐草化為螢含桂謂月中桂  
也見贈高四詩馬融長笛賦長轡遠引旋復迴皇李善注  
李尤七款曰迴皇競集謝莊月賦滿堂變容迴皇如失唐  
初對策用儷體約三百言內外當時皆如此類今高宗朝  
策文傳於今者如上官儀對求賢策用刑寬猛策張昌齡  
刑獄用舍策高潔之士策劉藏器恤刑策刑法得失策往  
代為刑是非策郭正一鄧肆策辛崇敬恤刑策衛宏議清  
運策孫嘉之書史百家策皆然張柬之賢良方正策其二

道策文尚沿此體張說試洛州進士策問四道兵部試將  
門子弟策問三道兵部試沈謀祕算舉人策問三道均與  
此策問  
相仿

秋日於益州李長史宅宴序

元和郡縣志劍南道成都府益州今為西川節

度使理所天寶元年改蜀郡十五年平宗幸蜀改為成都府

夫以五嶽棲真宵眇青溪之上六爻貞遁寂寞滄海之濱

後漢書逸民傳向長字子平隱居不仕建武中男女婚嫁  
既畢於是遂肆意與同好北海禽慶俱遊五嶽名山竟不  
知所終水經注沮水篇沮水南逕臨沮縣西青溪水注之  
其水導源東流以源出青山故以青溪為名尋源浮溪奇  
為深峭盛宏之云稠木傍生凌空交合危樓傾崖恒有落  
勢風泉傳響於青林之下嶺猿流聲於白雲之上遊者常  
若目不周翫情不給賞是以林徒棲托雲客宅心泉側多  
結道士精廬焉易遯九五嘉遯貞吉孔穎達疏嘉美也得  
正之吉為遯之美周書韋夔傳志尚夷簡澹於榮利明帝  
卽位乃為詩以貽之曰六爻貞遯出三辰光少微穎陽讓



逾遠滄洲 斯竝激俗矯時獨善之風自遠懷材韞價兼濟  
去不歸

之道未宏 價一作智○魏志管甯傳裴松之注傳子曰司  
空陳羣又薦甯曰伏見徵士北海管甯行爲世

表學任人師清儉足以激濁貞正足以矯時晉書卻詵阮  
種華譚袁甫傳論卻詵等竝韞價州里哀然應召對揚天

問高步雲衢崔鴻十六國春秋前秦錄十張忠隱於泰山  
堅遣使者徵之及見堅謂之曰先生考槃山林研精道素

獨善之美有餘 長史公乎牝凝神虛舟應物 老子成象章  
兼濟之功未也

謂乎牝乎牝之門是謂天地根莊子外篇山木方舟而濟  
於河有虛船來觸舟雖有褊心之人不怒有一人在其上

則呼張歛之一呼而不聞再呼而不聞於是三呼邪則必  
以惡聲隨之向也不怒而今也怒向也虛而今也實人能

虛己以遊世其孰能害之沈約傷 得喪雙遺巢由與許史  
王謚詩持身非詭遇應物有虛舟

同歸寵辱兩忘廊廟與山林齊致 忘一作存非○李諧述  
身賦於是得喪同遺忘

懷自深漢書王貢兩龔鮑傳堯舜在上下有巢由皇甫謐  
高士傳巢父堯時隱人年老以樹爲巢而寢其上故人號

爲巢父許由字武仲堯舜皆師之乃致天下而讓焉巢父  
聞由爲堯所讓以爲汙乃臨池水而洗其耳池主怒曰何  
以汙我水由乃退而遯耕於中岳潁水之陽箕山之下因  
學紀聞考史門古今人表許繇巢父爲二人譙周古史考  
許由夏常居巢故一號巢父則巢許爲一人應休璉又謂  
之山父漢書蓋寬饒傳諫大夫鄭昌上書頌寬饒曰寬饒  
上無許史之屬下無金張之託注應邵曰許伯宣帝皇后  
父史高宣帝外家也師古曰許氏史氏有外屬之恩寵辱  
見書史記貨殖列傳賢人深謀於廊廟後漢書申剛傳廊  
廟之計既不預定章懷太子注廊殿下屋也廟太廟也國  
事必先謀於廊廟之所也漢書王貢兩龔鮑傳贊山林之  
士往而不能反朝廷之士入而不能出任昉齊竟陵文宣  
王行狀華衮與縕緒同  
歸山藻與蓬茨俱逸  
乘展驥之餘暇俯沈岸以開筵  
見前元和郡縣志劍南道成都府犀浦縣本成都縣之界  
垂拱二年分置犀浦縣昔蜀守李冰造五石犀沈之於水  
以厭怪因取其事爲名褚亮賦得  
蜀都沈岸對江浦駟馬入城闔  
曲浦澄漪似對任棠之  
水芳亭興洽如歸山簡之池  
芳一作茅歸一作臨○後漢  
書龐參傳拜參爲漢陽太守

郡人任棠者有奇節隱居教授參到先侯之棠不與言但以薤一大本水一盂置戶屏前自抱孫兒伏於戶下主簿白以爲倨參思其微意良久曰水者欲吾清也拔大本薤者欲吾擊強宗也抱兒當戶欲吾開門恤孤也於是歎息而還參在職果能抑強助弱以惠政得其晉書山簡傳簡字季倫性溫雅永嘉三年出爲征南將軍都督荆湘交廣四出遊嬉多之池上置酒輒醉名之曰高陽池時有童兒歌曰山公出何許往至高陽池日夕倒載歸酩酊無所知時時能騎馬倒著白接離舉邊向葛疆何如并州兒水經注沔水又東入侍中襄陽侯習郁魚池郁依范蠡養魚法作大陂陂長六十步廣四十步池中起釣臺池北亭郁墓所在也列植松篁於池側沔水上郁所居也又作石洑逗引大池水于宅北作小魚池池長七十步廣二十步西枕大道東北二邊限以高隄楸竹夾植蓮茨覆水是遊宴之名處也山季倫之鎮襄陽每臨此池未嘗不大醉而還加以秋水盈襟寒郊滿望洲渚肅而蒹葭變風露凝而荷

菱疎  
詩秦風蒹葭蒼蒼白露爲霜傳蒹葭蘆也箋云蒹葭在衆草之中蒼蒼然彊盛至白露凝戾爲霜則成

而黃陸雲答車茂安書嚴霜隕而兼忘懷在真俗之中得  
葭萎林鳥祭而屬羅設此句法所本  
性出形骸之外莊子雜篇漁父真者所以受於天也自然  
子內篇德充符中屠嘉曰今子與我遊於形骸之內而子  
索我於形骸之外不亦過乎昭明太子令旨解二諦義所  
言二諦者一是真諦二名俗諦真諦亦名第一義諦俗諦  
亦名世諦真諦俗諦以定體立名第一義諦世諦以褒貶  
立日又始興王第五男蕭煜諮曰真諦稱真是實真不合  
旨答曰得是實真又諮菩薩會真之時為忘俗忘真不合  
旨答忘俗忘真故說會真又諮若忘俗忘真故說會真忘  
俗忘真何得實真令旨答若存俗存真何謂實真正由兩  
遺故謂實真又諮若忘俗忘真而是實真亦應忘真忘俗  
而是實俗令旨答忘俗忘真所以見真忘真忘俗彌見非  
俗又諮菩薩會真既忘俗忘真便成乖理令旨  
答假呼實真終自忘真兩忘稱實何謂乖理  
雖四子講  
德已頌美於中和而五際陳詩未形言於大雅爰命虛謏  
題其序云王褒四子講德論序褒既為益州刺史王褒作  
中和樂職宣布之詩又作傳名曰四子講德以

明其意焉五際見前帝京篇啓謏先弁側山頽自有琴歌  
了切禮學記足以謏聞未足以動衆  
畱客操觚染翰非無山水助人盡各賦詩式昭樂事云爾  
山一作池昭一作貽。詩小雅賓之初筵側弁之俄屢舞  
僊僊箋側傾也俄傾貌山頽見疇昔篇戴逵酒讚古人既  
陶至樂乃聞有客乘之隗若山頽孔稚圭北山移文琴歌  
既斷李善注董仲舒集七言琴歌二首水經注巨洋水至  
若炎夏火流間居倦想提琴命友嬉娛永日桂筍尋波輕  
林委浪琴歌既洽歡情亦暢是焉棲寄實可憑矜陸機文  
賦或操觚以率爾或含毫而逸然李善注觚木之方者古  
人用之以書猶今之簡也史游急就章曰急就奇觚觚木  
簡也陸雲星賦長卿操箋染翰思溢情煩文心雕龍物色  
篇若乃山林皋壤實文思之奧府畧語則闕詳說則繁然  
屈平所以能洞監風騷之  
情者抑亦江山之助乎

### 冒雨尋菊序

白帝徂秋黃金勝友辭塵成契冒雨相邀問涼燠則鴻雁

在天敘交遊則芝蘭滿室

禮月令立秋之日天子親帥三公九卿諸侯大夫以迎秋於西

郊鄭康成注迎秋者祭白帝白招拒於西郊之北也月令鞠有黃華此用易同心斷金意辭本又作解謝朓雩祭歌

涼煥資成化羣芳載厚德家語六本篇子曰與善人居如

入芝蘭之室久而不聞其香即與之化矣與不善人居如

聞其臭亦與之化矣砌花舒菊還同載酒之園岸葉低松

直枕維舟之浦參差遠岫斷雲將野鶴俱飛滴瀝空庭竹

響共雨聲相辭

漢書揚雄傳家素貧膏酒人希至其門時有好事者載酒肴從游學謝靈運山居賦

田連岡而盈疇嶺枕水而通阡維舟見夕次舊吳詩司馬相如子虛賦岑參差日月蔽虧謝朓郡內高齋閒坐答

呂曹詩窗中列遠岫庭際俯喬林王延壽魯靈光殿賦動

滴瀝以成響殷雷應其若驚李善注說文曰滴瀝水下滴

也仰折巾於書閣行見飄颻挹雅步於琴臺坐聞流水

字中科斗競落文河筆下蛟龍爭投學海

後漢書郭太傳郭太字林宗嘗

於陳梁間行遇雨巾一角墊時人乃故折巾一角曰爲林  
宗巾章懷太子注周遷輿服雜事曰巾以葛爲之其形如  
幅音口洽反本居士野人所服魏武造幅巾其巾乃廢今國  
子學生服焉以白紗爲之隋書禮儀志案方言云巾趙魏  
間通謂之承露郭林宗嘗行遇雨巾沾角折又袁紹戰敗  
幅巾渡河此則野人及軍旅服也制有二等今高人道士  
所著是林宗折角庶人農夫常服是袁紹幅巾故事用全  
幅皂而向後襍髮俗人謂之襍頭自周武帝裁爲四腳今  
邇於貴賤矣後漢書列女班昭傳兄固著漢書未及竟而  
卒和帝詔就東觀藏書閣踵而成之又逸民傳高鳳少爲  
書生妻嘗之田曝麥於庭令鳳護雞時天暴雨而鳳持竿  
誦經不覺潦水流麥詩周頌貽我來牟傳牟麥也漢書劉  
向傳引作釐麤廣雅釋草大麥麤也陸機百年歌光車駿  
馬遊都城高談雅步何盈盈琴臺流水並見前孔安國尚  
書序至魯共王好治宮室壞孔子舊宅以廣其居於壁中  
得先人所藏古文虞夏商周之書及傳論語孝經皆科斗  
文字陸德明釋文科斗蟲名蝦蟆子書形似之晉書郭象  
傳少有才理好老莊能清言太尉王衍每云聽象語如懸  
河瀉水注而不竭隋書李德林傳善屬文楊遵彥卽命德  
林製讓尚書令表援筆立成以示吏部中陸卬卬云已大

見其文筆浩浩如長河東注比來所見後生制作乃涓澮之流耳西京雜記董仲舒夢蛟龍入懷乃作春秋繁露詞揚子法言學行篇百川學海而至於海拾遺記京師謂康成爲經神何休爲學海珠簾映水風生

曳鷺之濤錦石封泥苔溼印龜之岸泛蘭英於戶牖座接

雞談下木葉於中池廚烹野雁

鷺各本作露苔一作雨鷺濤見贈高四詩龜岸見

上郭贊府啓枚乘七發蘭英之酒酌以滌口李善注漢書曰百味旨酒市蘭生香灼曰布列芬芳若蘭之生案淮南子說林訓清醖之酒始於耒耜高誘注清醖酒也周禮醖齊是御覽引淮南子作清英廣雅釋器清英酒也是英爲酒名以蘭入酒故言蘭英藝文類聚鳥部幽明錄曰晉兗州刺史沛國宋處宗嘗買得一長鳴雞愛養甚至恒籠著窗閒雞遂作人語與處宗談論極有平致終日不輟處宗因此元功大進案雞談當爲談雞也莊子外篇山木莊子出於山舍於故人之家故人喜命豎子殺雁而烹之

墜白花於溼桂落紫蒂於疎

藤雖物序足悲而人風可愛畱姓名於金谷不謝季倫混



心迹於玉山無慙叔夜

爾雅釋木榑木樛郭璞注今南人呼桂厚皮者爲木桂桂樹葉似枇

杷而大白華華而不著子叢生巖嶺枝葉冬夏常青閒無雜木沈約郊居賦抽紅英於紫蒂銜素蕊於青跗劉達吳都賦注蒂花本也晉書石苞傳石苞字仲容渤海南皮人也有六子越喬繞浚僞崇崇字季倫生於青州故小名齊奴有別館在河陽之金谷一名梓澤劉義慶世說新語品藻第九謝公云金谷中蘇紹最勝紹是石崇姊夫蘇則孫愉子也劉峻注石崇金谷詩敘曰余以元康六年從太僕卿出爲使持節監青齊諸軍事征虜將軍有別廬在河南縣界金谷澗中或高或下有清泉茂林衆果竹柏藥草之屬莫不畢備又有水碓魚池土窟其爲娛目歡心之物備矣時征西大將軍祭酒王詡當還長安余與衆賢共送往澗中晝夜遊宴屢遷其坐或登高臨下或列坐水濱時琴瑟笙筑合載車中道路並作及佳合與鼓吹遞奏遂各賦詩以敘中懷或不能者罰酒三斗感性命之下永懼凋落之無期故具列時人官號姓名年紀又寫詩著後後之好事者其覽之哉凡三十人吳王師議郎關中侯始平武功蘇紹字世嗣

年五十爲首

晦日楚國寺宴序

宋敏求長安志唐京城二朱雀街東第三街南進昌坊西南隅楚國

寺本隋興道寺之地大業七年廢高祖起義并州第五子智雲在京為隋畱守陰世師等所害後追封為

楚哀王因此立寺水竹幽靜類於慈恩

夫天下通交

一作交通

忘筌蹄者蓋寡人間行樂共烟霞者幾

何

筌蹄見前楊惲報孫會宗書人生行樂耳梁元帝金樓子自序篇人間之世飄忽幾何江淹思北歸賦究烟霞之

繚繞具泉石之嶠岵

羣賢抱古人之清風翫新年之淑景

抱一作挹廣雅釋

詁翫習也鮑照代悲哉行羈人感淑景

情均物我緇衣將素履同歸迹混汚

隆廊廟與江湖齊致

梁簡文帝采虛公子賦忘情於物我之表縱志於有無之上魏書釋老志

高祖立制非徒使緇素殊途抑亦防微深慮釋氏要覽僧史畧云問緇衣者色何狀貌答紫而淺黑考工記云三入

為纁五入為緌七入為緇矣知緇本出緋雀頭色即紫赤色故梁尼淨秀見聖衆衣如桑熟椹此乃淺赤深黑色也

易履初九素履往无咎王弼注處履之初爲履之始履道  
惡華故素乃无咎汚隆見實六即宅宴詩序廊廟見浮查  
篇莊子雜篇讓王中山公子牟謂瞻子曰身在江湖之上  
心居乎魏闕之下言物我之情既均人非以僧俗而異汚  
隆之迹攸混地豈以顯隱而殊顏注於是春生城闕氣改  
引詩緇衣以爲卿大夫之服非是

川原聞遷鶯之候時行欣宦侶見遊魚之貪餌坐悟機心

楊街

之洛陽伽藍記川原沃壤城郭端直遷鶯見思乎上人林  
泉篇沈約和謝宣城詩從官非宦侶避世不避喧嚴忌哀  
時命蛟龍潛於旋淵兮身不挂於網羅如貪餌而近死兮  
不如下遊乎清波金樓子捷對篇宋文帝嘗與羣臣汎天  
淵池帝垂綸而釣回旋良久竟不得魚王景文乃加以慧  
越席曰臣以爲垂綸者清故不獲貪餌機心見前加以慧  
日低輪下禪枝而返照法雲凝蓋浮定水以涵光

慧目見  
臨山寺

篇文殊師利所說摩訶般若波羅蜜經文殊師利譬如日  
輪光明徧滿無有減相若得一行三昧悉能具足一切德  
功無有闕少亦復如是照明佛法如日輪光梁昭明太子  
講席詩藥樹承榮潤禪枝詎凋槭王中頭陀寺碑文蔭法

雲於真際則火宅晨涼曜慧日於康衢則重昏夜曉李善  
注華嚴經曰不壞法雲徧覆一切劉蚪法華經注曰雲譬  
應身則殊形並現順機不變此則彌布徧覆之意也仁王  
護國般若經護國品第五時城中菩薩持光明華散釋迦  
牟尼佛上成一華臺臺中十方佛及諸天人散天華於釋  
迦牟尼佛上虛空中成紫雲蓋覆三千大千世界蓋中天  
人散恒河沙華如雲而下維摩詰所說經佛道品第八  
入解之華池定水湛然滿布以七淨華浴此無垢人  
懷在真俗之中得性出形骸之外二句與益州李雖交非

習靜多慙谷口之談然醉可逃誼自得山陽之氣

然一作庶○易

林奇適無偶習靜獨處王績遊北山賦請息交而自逸聊  
習靜而為娛漢書王貢兩龔鮑傳谷口有鄭子真成帝時  
元舅大將軍王鳳以禮聘子真子真遂不訕而終顏師古  
注三輔決錄云子真名樸沈約和謝宣城詩王喬飛鳬舄  
東方金馬門從官非宦侶避世不避喧李善注史記曰武  
帝時齊人有東方生名朔時坐席中酒酣據地歌曰陸沈  
於俗避世金馬門誼與喧同陸厥奉答內兄希叔詩愧茲  
山陽讎室此河陽別李善注魏氏春秋曰嵇康寓居山陽

縣與向秀遊於竹林後漢書郡縣志司隸詩言志也可不  
河內郡山陽今河南懷慶府修武縣是也

云乎

夏初錢宋三少府之豐城詩序

元和郡縣志江南道  
洪州豐城縣本漢南

昌縣地晉武帝太康元年移於今縣南四  
十一里名豐城卽是雷孔章得寶劍處也

黯然銷魂者豈非生離之恨歟江淹別賦黯然銷魂者惟  
別而已矣宋玉九辨重無

怨而生離兮中結軫而增傷況帝里天津槐衢分黑龍之水巴陵地道

楓江連白馬之門水經注渭水篇水上有梁謂之渭橋秦  
始皇作離宮於渭水南北以象天宮故

三輔黃圖曰渭水貫都以象天漢橫橋南渡以法牽牛南  
有長樂宮北有咸陽宮欲通二宮之間故造此橋案天漢

卽天津也故曰帝里天津槐衢見久戍邊城篇黑龍水見  
隋書郭璞江賦爰有包山洞庭巴陵地道李善注郭璞

山海經注曰洞庭穴在長沙巴陵縣南太湖中有苞  
山山下有洞庭穴道潛行水底無所不通楚辭招魂湛湛

江水兮上有楓白馬事見久客臨海詩庚肩吾  
亂後經吳郵亭詩青袍異春草白馬卽吳門  
親友徘徊

締歡言於促膝故人尊酒掩離涕於交頤  
促膝見贈侯四  
詩曹大家東征

賦酌樽酒以弛念兮喟抑情而自非孔叢子儒服篇子高  
遊趙平原君客有鄒文季節者與子高相善及將還魯諸  
故人訣旣別文節送行三宿臨別文節流涕交頤子高徒  
抗手而已分背就路其徒問曰先生與彼二子善彼有戀  
戀之心未知後會何期悽悽流涕而先生厲聲高揖此無  
乃非親親之謂乎子高曰始焉謂此二子丈夫爾乃今知  
其婦人也人生則有四方之志豈鹿豕也哉而常聚乎於  
方言頤頤頤也南楚謂之頤秦晉謂之頤頤其通語也於  
時晚吹吟桐疑秦別離之曲輕秋入麥似驚搖落之情白

日將頤青山行暮想姑蘇之地夕露沾衣望吳會之郊斷

風飄蓋  
鮑照山行見孤桐詩未風葉已肅不風條自吟麥  
秋見夏日遊目詩曹植七啓白日西頤姑蘇見秋

露詩陶潛歸田居詩道狹草木長夕  
露沾我衣吳會用魏文帝詩意見前  
嗟乎歧路是他鄉之

恨溝水非明日之歡玉斗臨吳太阿之氣可識金陵背楚

小山之路行遙盍各賦詩式昭離緒

山一作子○應璩百一詩斗酒當爲飲無

爲待來茲宋書樂志白頭吟平生共城中何嘗斗酒會今日斗酒間明且薄水頭蹀躞御溝上溝水東西流漢書地理志吳地斗分埜也今之會稽九江丹陽豫章廬江廣陵六安臨淮郡盡吳分也庾信樂歌玉斗調元協金沙富國租太阿卽豐城劍氣事見螢火賦金陵見前小山見早發淮口篇

初春邪嶺送益府寶參軍宴序

太平寰宇記關西道雍州武功縣斜谷其

斜谷水出衙領北至郿入渭案圭峯四句當是爲武功簿時作也邪斜音義同邪嶺卽斜谷司馬相如子虛賦邪與肅慎爲鄰師古曰邪讀爲斜舊書地理志劔南道成都府隋蜀郡武德元年改爲益州置總管府三年罷總管置西南道行臺九年罷行臺置都督府龍朔二年升爲大都督府天寶元年改益州爲蜀郡至德二年改蜀郡爲成都府新書百官志大都督府錄事參軍事一人正七品上參軍事五人正八品

下

分首三秦送君千里青山白日非舊國之春秋翠華清樽

是他鄉之杯酒

顏氏家訓風操篇歧路言離歡笑分首太

三以章邯為雍王都廢邱今興平縣司馬欣為塞王都櫟陽今櫟陽縣董翳為翟王都高奴今延州金明縣謂之三

秦或作三

春非也 況復圭峯南望切登高之情渭水北流動臨川

之嘆

圭峯在終南山水經渭水又東過武功縣北注地理志曰斜水在衙嶺北至郿注渭渭水又東逕馬家北

又逕武功縣故城北地理志曰縣有太一山古文以為終南社預以為中南也亦曰太白山在武功縣南去長安二

百里不知其高幾何俗於時寒光將歇春景未華殘雪飄

云武功太白去天三百 花猶開六出輕冰涵鏡未解三川晨風軫孫楚之情歧路

下楊朱之淚

宋書符瑞志大明五年正月戊午元日花雪降殿庭時右衛將軍謝莊下殿雪集衣還白



上以爲瑞於是公卿並作花雪詩史臣按詩云先集爲霰  
韓詩曰霰英也花葉謂之英離騷云秋菊之落英左思云  
落英飄颻是也然則霰爲花雪矣草木多五出雪花獨六  
出三川見途中有懷詩孫楚征西官屬送於陟陽候作詩  
晨風飄歧路零雨被秋草傾城遠追雖載言載笑賞風月  
送錢我千里道歧路見答員半千書  
於離前而一詠一吟寄心期於別後詩言志也可不云乎  
詩衛風既見復關載笑載言晉書孫綽傳綽字興公少與  
高陽許詢俱有高尚之志沙門支遁試問綽君何如許答  
曰高情遠致弟子早已伏膺  
然一詠一吟許將北面矣

秋日錢麴錄事使西州序

案新書百官志唐時京中  
寺監衛府俱有錄事之官

當是以京職出使也元和郡縣志隴右道西州本漢  
車師國之高昌壁也貞觀十四年詔兵部尚書侯君  
集統薛萬鈞牛進達等總兵討之下其二十二城獲  
戶八千列其地爲西州並置安西都護以統之顯慶  
三年置都督府天寶元年復爲西州貞元七年沒于  
西蕃管縣五前庭柳中交河天山蒲昌

麴錄事務切皇華指輪臺而鳳舉羣公等情敦素賞臨別

館以鳧分

詩序皇皇者華遣使臣也輪臺見西行別詳正學士篇班固功德論朱軒之使鳳舉於龍堆之

表蕭子良梧桐賦發雅詠於攸昔流素賞之在今司馬相如上林賦於是乎離宮別館彌山跨谷李陵贈蘇武別詩

雙鳧相背飛

相遠日已長促樽酒以邀歡望山川而起恨

蘇武與李陵詩我有一樽

酒欲以贈遠人梁簡文帝傷離新體詩樓高望暖暖山川自分態

於時露團龍隰雲斂雁

天落葉響而庭樹寒殘花疏而蘭皋晚

班固西都賦原隰龍鱗沈炯十二屬

詩龍隰遠青翠蛇柳近徘徊潘岳秋興賦庭樹槭以灑落兮勁風戾而吹帷楚辭離騷經步余馬於蘭皋馳椒邱且

焉止息又招魂皋蘭被徑兮斯路漸此對庭樹當爲皋蘭也

聞秋聲之亂水已愴分溝

對零雨之飄風倍傷遠道

俱見前

五日之趣未淹蘭籍之娛

二星之輝行照葱河之境

戰國策楚策汗明見春申君候問三月而後得見談卒春申君

大說之召門吏為汗先生著客籍五日一見魏母正儉承  
 露盤賦撰蘭籍簡良辰二星見上廉察使啓水經注河水  
 篇西河舊事曰慈嶺在敦煌西八千里其山高上生蒸  
 故曰慈嶺也庾信周宇文顯墓誌銘北岳二名慈河兩本  
 清飈明月我則相思隴水秦川君方鳴咽令狐綦周書王  
 褒傳周宏讓復  
 書曰猶冀蒼鴈賴鯉時傳尺素清風朗月俱寄相思亦見  
 秋日錢陳文林陸道士詩太平寰宇記關西道隴州汧源  
 縣隴山在縣西六十二里辛氏三秦記引俗歌云隴頭流  
 水鳴聲幽咽遙望秦川肝腸斷絕其坂九迴不知高幾許  
 欲上者七日乃得越山頂有泉清水四注東望秦川如四  
 五里人上隴者想還故鄉悲思而歌有絕死者陸機赴洛  
 道中作嗚咽辭密親李善注薛君韓詩章行歌不駐遽驚  
 句曰嗚歎辭也毛萇詩傳咽憂不能忘也

班馬之嘶贈言可申聊振飛魚之藻人探一字一韻一篇

一作四韻四篇。左傳襄公十八年有班馬之聲  
 杜預注班別也曹植大暑賦飛魚躍渚潛鼃浮岸

錢李八騎曹序

一作詩序。舊書職官志左右衛倉  
 曹兵曹參軍各二人正八品下騎曹

曹參軍各一人正六品下諸曹參軍皆掌本曹勾  
檢之事左右驍衛左右武衛左右威衛左右領軍衛  
左右金吾衛倉兵騎曹四曹參軍人數品秩職掌如  
左右衛也左右監門衛左右千牛衛兵曹二曹參軍  
王府官屬功倉戶兵騎法士等七曹參軍事各一人  
正七品上鄭樵通志職官畧第五騎曹參軍左右衛  
各一人魏司馬景王爲大將軍有騎兵宋武帝爲相  
有騎兵參軍隋左右衛府有騎兵參軍唐初因之其後  
改爲騎曹按此序亦見王  
子安集作送李十五序

夫人生百齡促膝是忘言之契丈夫四海交頤非贈別之

資列子周穆王篇人生百年晝夜各分庚信對酒歌人生  
一百年歡笑惟三五曹植贈白馬王彪詩丈夫志四海

萬里猶比鄰然乃想山川之遽遙送歸將遠惜歲華之不  
餘並見前

待行樂無時乃一作而○楚辭九辯懔懔兮若在遠行登  
山臨水送將歸又九歌山鬼畱靈修兮憺忘

歸歲旣晏兮孰華予陸機上畱田是用輟征驂以少畱倏  
行歲華冉冉方除我思纏綿未紓

離亭而多暇山芳襲吹坐疑蘭室之中水樹含春宛似楓

江之上

春一作香○楚辭離騷經欲少畱此靈瑣今日忽忽其將暮荀子修身篇其爲人也多暇日者其出

人也不遠矣陸機君子有所思行遂

加以御溝新溜近入

離絃賓館餘花遙催別酒

絃一作筵○御溝見前周宏直賦得荆軻詩市中傾別酒水上

擊離絃儀禮聘禮訝賓于館南齊書劉善明傳廣開賓館以接荒民既而榮波東注灞岸南

登綠螳傾而高宴終金烏落而離言促

烏一作馬落一作絡○書禹貢榮波

既豬孔安國傳榮澤波水已成過豬孔穎達疏沅水入河而溢爲榮榮是澤名洪水之時此澤水大動成波浪其時波水已成過豬不濫溢也林之奇尚書全解據二孔之說則是榮波爲一水也周官職方氏曰其川榮維其浸波澹鄭氏云榮是沅水也今之榮澤波讀爲播顏師古曰波亦水名一說榮水之波然以理攷之既職方氏豫州川浸有榮波之二名則是鄭氏爲有所據爾雅云水自洛出爲波曾氏謂榮自河溢波自洛出皆有以畜之傳寅禹貢說斷

上文言導洛此則專主導濟而言不當又泛言洛之支水  
職方所記山川非治水次第不必泥也水經注渭水篇霸  
水又左合滄水厯白鹿原東即霸川之西故芷陽矣史記  
秦襄王葬芷陽者是也謂之霸上漢文帝葬其上謂之霸  
陵上有四出道以瀉水在長安東南三十里故王仲宣賦  
詩云南登霸陵岸回首望長安綠螳見兗州餞宋之問詩  
劉楨清慮賦結東阿之扶桑接西雷乎燭龍上雖相思有  
青巖之山蹈琳珉之塗玉樹翠葉上棲金鳥  
贈終結想於華滋而素賞無睽盍申情於麗藻人為四韻  
各賦一言一作章○古詩十九首庭中有奇樹綠葉發華  
之彬  
彬

### 楊州看競渡序

舊書地理志揚州隋江都武德三年杜伏威歸國於潤州江甯縣置揚州

以隋江都為兗州七年改兗州為邳州九年省江甯縣之揚州改邳州為揚州置大都督貞觀十年改大都督為都督龍朔二年昇為大都督府宗懷荆楚歲時記五月五日競渡俗謂是屈原投汨羅日傷其死

故竝命舟楫以拯之舸舟取其輕利一自以爲水軍  
一自以爲水馬州將及士人悉臨水而觀之邯鄲淳  
曹娥碑云五月五日時迎伍君逆濤而上爲水所淹  
斯又東吳之俗事在子胥不關屈平也越地傳云起  
於越王句踐不可詳矣隋書地理志屈原以五月望  
日赴汨羅土人追至洞庭不見湖大船小莫得濟者  
乃歌曰何由得渡湖因爾鼓櫓爭歸競會亭上習以  
相傳爲競渡之戲其迅櫓齊馳櫓歌亂響喧振水陸  
觀者如雲諸郡率然  
而南郡襄陽尤甚

夏日江干駕言臨眺

干厓也見前詩衛風駕言出遊李延壽南史徐勉傳華樓迴榭頗有臨眺

之美孤峯叢薄

於是桂舟始泛蘭棹初遊

楚辭九歌湘君

不無糾紛之興

張正見後湖泛舟詩泛

鼓吹沸於江山綺羅蔽於

一本無

荷分蘭棹沈槎觸桂舟

鼓吹沸於江山綺羅蔽於二於字

雲日

沸一作咽○沈約宋書樂志鼓吹蓋短簫饒曲說者

之名也鮑照蕪城賦歌吹沸天古樂府相逢行便娟舞袖

大婦織綺羅楚辭九歌國殤旌蔽日兮敵若雲

向綠水以頻低飄颺歌聲得清風而更遠

便娟見豔情篇淮南子倣真訓

足蹀陽阿之舞而手會淩水之趨高誘註淩水舞曲趨投

時弄聲於喬木

是以臨波笑臉豔山浦之輕蓮映渚蛾眉麗穿

波之半月

葛洪西京雜記文君姣好眉色如望遠山臉際常若芙蓉曹植洛神賦灼若芙蕖出淩波梁元

帝採蓮賦蓮花亂臉色荷葉雜衣香詩衛風螭首蛾眉虞騫視月詩泠泠玉潭水映見蛾眉月靚粧舊飾

此日增奇絃管相催茲辰特妙

司馬相如上林賦靚粧刻飾便嬛綽約注郭璞日靚

粧粉白黛黑也嵇康聲無哀樂論此必為至樂不可託之於瞽史必須聖人理其絃管爾乃雅音得全也鮑照白紵

辭歌催絃急

能使洛川迴雪獨美

一作猶賦

陳思巫嶺行雲專

稱宋玉

曹植洛神賦飄颺兮若流風之迴雪沈約答陸厥書以洛神比陳思他賦有似異手之作行雲見憶

蜀地佳

凡諸同好請各賦詩云爾

各本無云爾二字據文苑英華補下篇同



秋日與羣公宴序

昔挂瓢隱舜蹟箕山而不歸結組逃齊泛滄波而長往一泛

作溯○挂瓢見贈高四詩魏書地形志陽城郡康城有陽

城關箕山許由隱宿史記魯仲連鄒陽列傳燕將攻下聊

城聊城人或讒之燕燕將懼誅因保守聊城不敢歸魯連

乃為書約之矢以射城中燕將見魯連書泣三日乃自殺

聊城亂田單遂屠聊城歸而言魯連欲爵之魯連逃隱於

海上謝靈運遠赤石進帆海詩仲連輕齊組子牟眷魏闕

謝朓望海詩滄波不咸用潛心物外損影止中並見豈若

可望望極與天平

擬迹小山陶心大隱叶仲長之怡性偶潘岳之棲閑見小山

發淮口詩王康琚反招隱詩小隱隱林藪大隱隱朝市後

漢書仲長統傳仲長統字公理山陽高平人也每州郡命

召輒稱疾不就常以為凡遊帝王者欲以立身揚名耳而

名不常存人生易滅優游偃仰可以自娛欲卜居清曠以

樂其志謝靈運山居賦昔仲長願言流水高羣公或道

山應康作書阜洛川潘岳見贈高四詩

合忘筌契金蘭而貴舊情深傾蓋披玉葉以交新合一作洽。並

見於時玉女司秋金烏返照烟含碧篠結虛影於鮮枝風

起青蘋動波文於異態庭榴剖實擎丹彩以含珠岸石澄

瀾泛清漪而散錦鮮一作鱗異一作翼。淮南子天文訓至秋三月青女乃出以降霜雪初學記

引高誘注青女乃天神青腰玉女主霜雪金烏見錢李八

序謝靈運過始甯墅詩綠篠媚清漣司馬相如上林賦鮮

枝黃磔司馬貞索隱或云鮮枝亦香草文選作支青蘋見

秋風詩任昉述異記沮渙二水波文皆若五色司馬相如

上林賦蕩蕩兮八水分流相背而異態應貞安石榴賦丹

葩結秀朱實星懸膚拆理阻爛若珠駢張載安石榴賦剖

之則珠散含之則冰釋庾信奉和趙王遊仙詩石紋如碎  
錦藤苗似亂絲詩魏風河水清且漣漪陸德明釋文本亦  
作漪初學記地部既而誓敦交道俱忘白首之情言款朝  
水波如錦文曰漪期一作款共挹青田之酒不有雅什何以摠情共引文江

同開筆海云爾

情一作懷○白首見螢火賦序高誘注呂氏春秋曰款扣也史記孟嘗君列傳自齊

王毀廢孟嘗君諸客皆去後召而復之孟嘗君太息歎曰客亦有何面目復見文乎馮驩曰君獨不見夫朝趨市者乎明旦側肩爭門而入日暮之後過市朝者掉臂而不顧非好朝而惡暮所期物亡其中願君遇客如故崔豹古今注草木第六烏孫國有青田核莫測其樹之形至中國者但得其核耳得清水則有酒味出如醇美好酒核大如六升瓢空之如盛水俄而成酒劉章得兩核集賓客設之常供二十人之飲一核盡一核所盛以復飲飲盡隨更注水隨盡隨飲不可久置久置則苦不可飲名曰青田酒廣雅釋詁攬舒也南齊書書隱逸徐則各以言區隋書隱逸徐則傳承思靈迹曷用攬情

聖泉詩序

案此序各本皆不載今從全唐文錄出檢王子安集有聖泉宴詩一首序卽此篇也

且子安在梓州所作詩文尙多恐非駱文

平武山有聖泉焉浸淫厯數百千年垂巖泌湧接磴分流

下瞰長江沙隄石岸咸古人遺迹也

垂王子安集作乘○元和郡縣志劔南道

梓州平武縣平武山在縣東二里山出龍骨太平寰宇記

九州要記云平武山一名赤雀山一名宜君山山有鹿尾

入貢又華陽國志平武山一名三峒山其山六屈三起四

川通志聖水泉潼川府中江縣東一里平武山下司馬相

如難蜀父老文浸淫衍溢說文十一篇浸淫隨理也徐鍇

曰隨其脉理而浸漬也左思魏都賦溫泉茲涌而自浪李

善注說文曰泌水駛流也泌與泌同謝靈運入華子岡是

麻源是三谷詩銅陵映碧澗石磴瀉紅泉楚辭九章懷沙

浩浩沅湘分流汨兮左思蜀都賦列綺窗而瞰江寰宇記

梓州郪縣中江水在縣西南三里源從平武縣東界流入

當縣西南八十餘里入涪江隋書茲乃青蘋綠芰紫苔蒼

地理志蜀郡平武有三堆山郪江

薛遂使江湖思遠寤寐寄託宋玉風賦起於青蘋之末李

朱李及甘瓜宋孝武帝擬漢武帝李夫人賦翠妃蕪兮紫

苔生藝文類聚草部古今注曰苔或紫或青一名員薛一

名綠錢一名綠薛王勃入蜀紀行詩序蓋登培塿者起衡

霍之心游涓澮者發江湖之思詩衛風獨寐寤言永矢勿

各言其美

設

既而崇巒左岐石壑前紫丹粵萬尋碧潭千頃松風唱

響竹露熏空瀟瀟乎人間之難遇也方欲以林壑爲天屬

琴樽爲日用

潘岳西征賦裁峻崕以隱嶙李善注峻崕頽貌也案峻通作陂彼義反水經注湘水篇崕

陞險阻峻崕萬尋李善注西京賦引文字集畧曰崕崕也

謝靈運山居賦互捐雲以拂杪臨碧潭而挺翠王勃江曲

孤鳬賦序梓州之東南涪江之所合有潭焉周數十步青

壁絕地綠波澄天常有孤鳬棲蕩其側詩鄭風風雨瀟瀟

傳暴疾也水經注湘水篇瀟者水清深也瀟蓋訓清之意

故又言瀟灑王勃遊廟山賦林壑逢地烟霞失時託宇宙

兮無日俟鸞虬兮未期他鄉山谷祇令人悲梁昭明太子

錦帶書夾鍾二月啓尋五柳之先生琴樽雅興謁孤松之

君子鸞嗟乎古今代謝方深川上之悲少長同遊且盡山

鳳騰聲

陰之樂盍題芳什共寫高情

王子安集有詩得泉字四字其詩曰披襟乘石磴列席俯

春泉蘭氣熏山酌松聲韻野絃影飄垂葉外香度落花前興洽林塘晚重巖起夕烟今併錄郭璞遊仙詩六龍安可

頓運流有代謝李善注淮南子曰二者代謝外馳高誘注  
代更也謝敍也川上見論語晉書王羲之傳會稽有佳山  
水名士多居之嘗與同志宴集於會稽山陰之蘭亭羲之  
自爲之序以申其志曰永和九年歲在癸丑暮春之初會  
於會稽山陰之蘭亭脩禊事也羣賢畢至少長咸集案盧  
昇之集亦有九月九日登平武山詩楊盈川於則天初坐  
從祖弟神讓犯逆左轉梓州司法參軍集  
中有梓州惠義寺重閣銘序並非高宗時